

王
船
山
遗
书

王

船

山

遺

書

欽定四庫全書總目簡明目錄

書經稗疏四卷

國朝王夫之撰其詮釋名物多出新意

雖醇駁相半而紕繆者極紕繆精核者亦極精核不以瑕掩瑜也

欽定四庫全書總目提要

書經稗疏四卷

國朝王夫之撰夫之有周易稗疏已著

錄是編詮釋經文亦多出新意其閒有失之太鑿者如謂虞書自夏擊鳴球以下至庶尹允諧皆韶樂之譜以詠二字貫下祖考來格三句爲升歌以配笙瑟之詩鳥獸蹢躅爲下管之所舞鳳凰來儀爲第九成吹簫之所舞百獸率

舞庶尹允諧爲樂終擊磬之所舞又謂作歌賡歌卽大韶
升歌之遺音夔以被之管絃者故繫之庶尹允諧之後前
數語不用韻如樂府之有豔有和有唱其三句一韻者如
樂府之有辭其說附會支離全無文義其論洛書配九疇
之數以履一爲五皇極而以居中之五爲一五行雖推衍
百端畫圖立說終於經文本數相戾其於地理至以崑崙
爲洮州胭脂嶺尤爲武斷然如蔡傳引爾雅水北曰洹實
無其文世皆知之夫之則推其致誤之由以爲誤記孔安
國涇屬渭汭之傳謂禋非周禮之禋類非周禮之類五服
五章亦不可以周制解虞制與陳第論周之五玉不可解

虞之五玉者同一爲古人所未發引鬻相之射證侯以明之謂以與射不與射爲榮辱非以射中不射中爲優劣因引周禮日月辰次正泰誓十三年爲辛卯引說文大戴禮記證蠙珠非蚌珠蔡傳不知古字假借引周禮玉府供王食玉證玉食引左傳證奄與淮夷爲二引喪大記證狄人引說文美字之訓以解美若駁蘇軾傳及蔡傳之失則大抵詞有根據不同游談雖醇疵互見而可取者較多焉

書經稗疏目錄

卷一

中星 四嶽 九族 日月星辰 嬀汭 四門大麓
類上帝徧羣神 巡守 百姓遏密 文祖 猗夏
伯與 三十在位 五服五章 四載 鮮食 決
九川 侯以明之 戛擊鳴球至 庶尹允諧 虞賓
庸作歌颺言

卷二

旣載壺口 旣修太原至於岳陽 衡漳 衡漳九河
恆衛大陸碣石 澠沮會同 草木 大野 蟪珠

浮于淮泗 三江 九江孔殷 沱潛旣道 雲夢

杍榦 伊 滎波 荷澤 嶓 沱潛 和夷 西傾

渭汭 漆沮 原隰豬野三危黑水 崑崙 渠搜

導山 敷淺原 弱水合黎 同爲逆河 東爲北

江入於海 澧九江東陵 沅濟 九澤 五服 三

正 攻左攻右 仲康肇位

卷三

商亳 祠於先王祇見厥祖 伊尹 造攻自鳴條

桐 遷於殷 說築傅巖之野 大夫師長 遯於荒

野入宅於河自河徂亳 惟賢非后不食 西伯

卷四上

惟十有三年 宜於豕土 庸蜀羌髳微盧彭濮 以

役西土 步自周 放牛歸馬 攻於後以北血流漂

杵 十有三祀 陰隲 九疇 土爰稼穡 鹹苦酸

辛甘 五紀 惟辟作福 至 民用僭忒 玉食 衍忒

日月之行 四句 九夷八蠻 穆卜 居東 天乃雨

反風

卷四下

大誥多邦 小腆 考翼 微子 乃洪大誥治 惟

君惟長 百姓里居 王曰封以厥庶民 至 惟邦君

汝若恆越曰至戕敗人宥王啟監至惟其塗丹牖

今王惟曰至受命已至永保民牛二太保乃以

庶邦豕君夫知朕復子明辟河朔黎水王肇

稱殷禮至無遠用戾王肇稱殷禮祀於新邑咸秩無

文予齊百工至汝永有辭公曰已至汝往敬哉

茲予其明農哉彼裕我民無遠用戾王若曰公明保

予冲子至單文祖德王若曰至罔不若時王曰公

予小子其退至其世享周公拜手稽首至文祖德

侔來毖殷至懷德戊辰王在新邑惟七年惟我

事不貳適多遜卑服庶邦惟正之供大弗克

恭 巫咸 有殷嗣天滅威 小子同未在位 鳴鳥
蔡 惟爾殷侯尹民 甲於內亂 用咸戒於王
綴衣 攜僕 大都 夷烝 三亳阪尹 君陳 芮
彤畢毛 翼室 命士須材 狄設黼展綴衣 赤刀
大訓 夷玉 棊弁 宿祭咤酢 宗人 黃朱 美
若 嗣守文武成康 大正 呂 士制百姓於刑之
中 俾我一日非終惟終在人 五過之疵 鍤 秬
鬯一卣 滫舍 臣妾無餘刑非殺 不啻若自其口
出

書經稗疏卷一

船山遺書六

衡陽王夫之撰

虞書堯典

中星 唐一行以堯演紀之歲冬至日在虛一度推北正
虛九度爲秋分昏中南正星七度爲春分昏中東正房二
度爲夏至中星西正昴七度爲冬至中星以理數求之有
不然者今以一行所測度量之冬至日在虛一度而中星
在昴七度則春分日當在胃十一度夏至在柳十四度秋
分在氏九度而虛一度之去昴七度胃十一度之去星七
度柳十四度之去房二度氏九度之去虛九度其遠近多

寡之不齊或差一度或差二度未有準也若用郭守敬所測度數合之則參差益甚今大概而言冬至日躔之次與秋分昏中之星恆差一宿雖二十八舍度數多寡之不同而考之月令

月令中星以節言故曰仲冬昏東壁中歷家則以中氣言

與此星鳥星昴

則無有不然者以秋分昏虛中求之冬至之日其躔於女必矣故郭守敬推堯演紀日在女虛之交以破從來躔虛之說亦可於此徵之也日在女末而中星在昴蓋一行測度不如守敬之精虛實八度九十五分而一行割女之一度零五分以爲十度且西至大梁四十四度三分則因以昴六度彊爲中而不在昴七度則亦兩端交縮而日在女

十一度昏中昴六度相去百度亦與三仲之日躔昏中若合符契矣若一行所云冬至昏中實在胃二度夏至昏中實在尾十一度而昴七度冬至昏在午東十八度房二度夏至昏在午西十八度則晷之長短使然而經所云者以四序進退不踰午正非必以人間之昏旦爲昏旦此其說於理數皆合不必如鄭氏坐北面南嚮明出治之說取必於所面之午也今爲改正日躔昏中星度於左

冬至日在女十一度西正大梁昴六度爲中以晷短故昏中胃二度臨午 春分日在胃十三度弱昏中張二度合午 夏至日在柳十二度彊東正大火房二度爲中以晷

長故昏中尾十一度臨午

秋分日在氏十度弱昏中虛

八度彊合午

郭測虛實八度九十五分無九度

四嶽

朱子言四岳乃管領十二牧者故通九官十二牧

爲二十二人周官言內有百揆四岳則百揆是朝廷九官之長四岳乃十二牧之長堯咨四岳巽朕位不成堯欲以天下與四人其說本於蘇氏古史而蔡氏因之以實求之四岳實四人而非一也十二牧分治諸侯而統於一人則此一人者豈不代持天子之權哉帝王命官法函三爲一之義而以一統三則以四統十二主於一人則公天下之心亦於是而可見矣

九族 漢孔氏以高祖洎元孫之親爲九族蔡氏用之林少穎以爲如此止是一族其說良然且夫人卽壽考尠有下見元孫者且以同出高祖三從之兄弟爲高祖之族則必以出於元孫者爲元孫之族愈亦遠矣若以與高祖元孫爲等輩者謂之九族則當云世而不當言族乃一家九輩一時並存亦世所少有所傳張公藝之事亦謂九代不析產非一時同在之謂況史臣所紀在堯未耄期之時其不得有元孫之裔亦明矣故少穎以父四母三妻二言之而朱子亦以爲然其說本於白虎通與杜預左傳集解今考諸爾雅有姑王姑曾祖王姑高祖王姑從祖姑族祖姑

言部利疏卷一
則是父族六也母之考妣與從母母族三也妻則父母二族而已其異於林說者本族不與至親不可與他族齒也無姊妹之夫女子之夫姊妹年與已近女小於已尙未有族也外王母之母族與妻母之母族不與者族愈疏也較之白虎通所說於理爲長

日月星辰 經言日月星辰繫辰於星之後則辰者日月

五星次舍之統詞其以治歷則今七政歷所推日月及木

火土金水所入之度是已國語記武王伐紂之歲歲在鶉

火月在天駟日在析木之津辰在斗柄星在天龍歲木月

日辰水星土者言三辰也鶉火張星天駟房析木箕斗柄

柳

尾

建

天龜皆辰也而唐孔氏乃曰舉其人之所見謂之星論其日月所會謂之辰則是以二十八宿爲星而非五星合朔之舍爲辰而非日躔月離五星出入伏畱之次其疎可知乃蔡氏因其說而曰辰以日月所會分周天之度爲十二次則尤爲不審夫日躔與合朔之不齊明矣十二次者孔穎達所謂正月會亥辰爲娵訾二月戌降婁三月酉大梁四月申實沈五月未鶉首六月午鶉火七月巳鶉尾八月辰壽星九月卯大火十月寅析木十一月丑星紀十二月子元枵也今按此十二辰者日躔之次而非與月會之次也蓋日日行一度則一月之日行三十度一千五百三